


Meta di e bishita ta pa comunidad conoce e pareha real

Aruba y e otro islanan den Caribe lo haya bishita di e pareha Real



ORANJESTAD (AAN)— Aruba ta preparando pa yegada su majestad Rey Willem-Alexander y Reina Maxima cu lo bay bishita e seis islanan den caribe den luna di November 2013.

E bishita aki ta specialmente pa e comunidad di e seis islanan por haya e oportunidad di conoce y wak e pareha real di cerca. Tanto e gobernadornan y e gezaghebber nan di e islanan BES a haya e tarea di traha un programa cu e pareha mester acudi na dje na momento cu e ta riba e islanan. Sinembargo Minister R.H.A. Plasterk di asuntonan interno y relacionan di reino lo guia a e pareha real na tur e islanan.

Rey Willem Alexander Claus George Ferdinand ta naci dia 27 di April 1967. Rey Alexander ta e prome hende homber monarch di Hulanda desde e morto di su tata abuelo cu ta Koning Willem III den año 1890. Rey Willem Alexander a nace na Utrecht y ta e yiu di mas grandi di Prinses Beatrix y di Claus Von Amsberg cu ta un Aleman.

Prins van Oranje tabata e

heredero di Hulanda for di 30 di April na año 1980 na momento cu su mama Prinses Beatrix a bira Reina.

Sinembargo Willem Alexander a ricibi e trono oficialmente dia 30 di April 2013 na momento cu su mama Beatrix a baha su trono. Prome cu a ricibi e trono Rey Alexander tabata e Monarch di europa di mas hoben. Rey Willem Alexander a bay school basico y secundario na schoolnan normal y despues a drenta Koninklijke Marine unda cu el a studia historia na Universidad di Leiden. Rey Willem Alexander a conoce Maxima Zorreguieta Cerruti den 2002 y nan a casa y forma un famia unda cu a nace tres yiu muhe Prinses van Oranje Catharina-Amalia cu a nace den 2003, Prinses Alexia cu a nace na 2005, Prinses Ariane cu a nace na 2007.

Rey Willema Alexander mes ta gusta deporte di awa internacional y tabata miembro di Internacional Olympisch Comité for di 1998-2013 tambe e tabata presidente di advies commissie

water pa Minister di Infrastructura y milieu na año 2004 te cu 2013, tambe tabata presidente di secretaries-generaal di Raad van Advies di nacionnan Uni pa awa y sanidad. Gabinete di gobernador lo prepara un bunita yegada na e pareha real unda cu e comunidad di Aruba lo por presencia esaki y admira e pareha y conoce nan mas di cerca.

